

八瓊室金石補正

八瓊室金石補正卷一百二十四

男 繼輝校錄

太倉陸增祥撰

吳興劉承幹覆校

金二

修紫虛元君殿記

高三尺五寸廣二尺二寸廿一行
行卅五字字徑七分正書在河內

重修紫虛元君殿記

祭法所載能御大災者祀之能捍大患者祀之懷之西北隅四十里村曰紫陵有紫虛元君祠古老相傳旱乾水溢凡民有疾病者禱無不應昨於宋之崇甯年間旱

之太甚州縣官寮偏走望內未見應間有河內宰陳公
崇慶求再拜於祠下公曰崇忝民官也覩此大旱罪在
令長若蒙甘澤願移咎於身懇禱旣畢隨軒雲布一夕
霧霈而告足州牧具奏於朝勅賜靜應廟爲額又於政
和七年自冬徂春雨師不用於事旱魃爲虐舞雩投巫
皆不効上下告病霑渥之澤尙闕而弗降有此邦守李
公徽猷罕曰安得自怡於此乎遂詢訪耆老問其旱事
有耆老白李公曰先有陳崇宰河內曰大旱誠似今日
本官躬詣於元君廟祈求得雨之由李公知忻然率僚
屬齋戒再拜誠告于神曰今旣大旱苗盡稿矣人將無

以爲食神將無以爲依不敢不告守土有罪乞受其殃
于身百姓何辜願賜恤焉朝禱於祠甘霖暮浹何其影
響之報神速若是耶公有謝詩三篇并勅賜廟額刊于
碑陰於政和年間其殿壞廢有□□父□□甃瓦後至
于今逮四十稔矣其殿踈漏將損煖帳其帳自昔大中
祥符年崔榮重脩至嘉祐年□□天德皇朝天德壬申
□與兄□脩皆□□之父祖也今則□□見處神于漏
屋之下意欲重脩繼先公之志又恐能始事不能終事
朝夕念此未嘗忘于心也或一日與本村敬神者□一
趙誠馬志郭京牛存議其修殿事諸公忻然而從之衆

推□□董其事自正隆丙子春二月經畫命匠計工衆役爰作郡精樂隨昔之橈者今復隆矣昔之剝者今復飾矣峻宇崇牆森布顯敞咸合其度至當年秋八月告成□□一日叩迪簡門曰語及修殿諸人之意欲求文得紀成績將刊諸石用傳永久迪簡自愧不才文不及古如嫫母之漏求媒之美揚不以難乎述功非迪簡所長焉足以道斯事之美耶其請愈堅義不果辭輒敢爲諸人具經始重脩告成之年月以爲之記云時正隆二年六月二十五日河內布衣韓迪簡撰昌黎韓翊書博陵□□等立石刊人李遠

皇朝上天德二字是後人所添鑿者嫫母之漏漏
爲陋之誤字文敘崇寧年靜應額牒其文尙存刊
於承安四年宋史陳兢傳附見陳崇不審卽河內
宰其人否政和年李罕謝詩并救額未見箸錄未
知在何碑之陰訪碑錄載此謂在山東泰安誤

少林寺西堂法和塔銘

高一尺六寸廣三尺一寸四十七行行廿六
字字徑五分又僧名年月四行正書在登封

少林禪寺西堂老師和尙塔銘

并序

切以軋維未立實際居常一段光明滕輝無礙出乎其
類示千聖之梯航拔乎其萃現衆生之本覺圓瞞妙體

瑩徹無邊幽靈絕待之網應用堂々之紀如此眞機誰
能採贖唯少林和公顯法於當時一人而已師姓李氏
諱法和道号無跡菴主善應道人乃許州潁順軍韓城
人也俗壽七十九僧臘五十七生而有異長冠宗倫母
曰陳氏因夢中觀朱幢絳節宝蓋華幡竺土範儀從門
而入喜不自勝瞻禮之間忽然寐寤氤氲之香連日不
息感此得娠後師降誕岐嶷罕有姿貌偉偉門館綠此
昌榮咸乃師之德蔭垂鬚自悟查世路之虛飄邈歲頓
明省客塵之幻化悲思欲海隨浪浮沉重念愛河逐波
出沒師知妄本悟徹法源勉告二親願從所好初而拒

抑久愈堅求父母知志難遣然乃從其本願遂於善財
寺大悲院礼院主僧海潮爲師自嚴具戒迥異同流採
竺文心地該通叅禪理性珠瑩徹曹洞之機立契芙蓉
枯木頓彰後乃策杖諸方密符所得機輪玄煥神鬼難
窺縱奪施爲聖凡罔測後禪流竟湊衲子相依於俗尽
孝三禮俱周卜厠卧龍之境結茅爲菴而自樂左峙自
然右臨崆峒屹屹峯巒湍流若練韞光宴息遠草塵寰
適值四方冗穰在處聯兵戎馬生郊戈鋌滿地幸賴寰
瀛稍定烽火方停洛京留守閔帥知師隱跡懇慕宗風
屢遣專使書疏敦請師憐誠篤遂別林泉因感未悟之

徒發自利利佗之行少林祖刹大建禪宗自後提綱法
要舉唱宗乘示獅子嘯呻顯輪王三昧規儀建立祖令
當行毘客盈蔭衲僧竟至遍施法乳之恩廣布慈悲之
惠機開酬對句裏无私不露鋒鋦正眼頓現住持二載
天下知聞權侯請疏交馳貴冕牋文竟至敦命再三迎
歸京府住持普照貴胄親依巨豪仰侍九載之間金田
崇飾澍法雨大小衆滋靈法雷遠近咸聽誼譁師心有
厭煙霞之志頓興退住天清宴處空谷權侯上位拜有
折邀雖像法付囑大臣祖令還由衲子蕭然拂袖返就
巖溪燕處少林猿棲鶴宿性同孤月流天意若白雲自

在紉身難入色軀殊堅忽示微疾因緣已盡於丁丑歲
仲春二日師忽沐浴更衣安然就坐整儀定息之間遂
乃揮毫作頌擲筆在地儼然而逝其頌曰 不動本覺

豈須名邈

時人眼睛

古今一着

珍重諸人

莫交失錯

師遷化之後容儀若故衆視如生愁雲覆日無光慘霧
凝空晦昧草

木

皓然禽獸叫噪師徒悲泣四衆欷歔遐

迓俱聞悉皆惆悵若非佛祖後裔難有如斯之兆倣西
天之火葬稟聖制以茶毗煙火燼然緇素共視光輝射
目瑩彩凝眸靈骨舍利爭鮮特表師之道異度師四十

余人五人法嗣宗旨師爲人天眼目大播眞風評論先
代是非批判未了公案兵戈動地轉法輪於亂中邪惡
奔馳施慈悲於擾攘故知大道無力法流同味提挈諸
子離火宅之中拯救困窮贈如意之室方圓千里扶膜
示人潛通密契之徒悟道如麻似粟撒手長行特出聖
凡歧路今因衆懇推以銘題再三辭之殷勤見祝拙於
文翰得歷事實不得已而輒爲書之明眼禪流勿爲哂
耳 銘曰

名相俱絕 三輪淨故 万法泯然 聖凡罔措

師闡宗風 巍然獨露 一月千江 光輝彪

向上機關 末後一句 三界廓然 歷劫

永固 來如着衫 去如脫袴 一段光明 千

聖廻立 具眼禪流 頓興大悟 直下承當

永絕驚怖 師示臨行 不生辜負 以此銘言

播留千古 眞堂智政 前監寺□顯 磨

主□純 監眞堂智政 直庫頭法雲 知知客

惠深 維直歲惠醕 典座□□座 維那□□

副寺德超 副監寺宗顥 首首座法賢 首

首座善忠

住持少林禪寺法嗣沙門

祖端

立石

正隆二年十月一日盟津守一道人牛 本寂

書并譔

河南薛仲

刊

字有謬誤競變爲競再變爲竟此乃作竟凡三見
隔作革其尤甚者餘不悉述知知客首首座佗處
未見

龍巖書杜甫古柏行

兩石石高三尺八寸廣二尺共十二行
行十四至十八字字徑二寸許州書

古栢行

孔明廟前有古栢柯如青銅根如石霜皮溜雨四十圍

黛色參天二千尺君臣已與時際會樹木猶爲人愛惜
雲來氣接巫峽長月出寒通雪山白憶昨路繞錦亭東
先主武侯同闕宮崔嵬枝幹郊原古窈窕丹青戶牖空
落落盤踞惟得地冥々孤高多烈風扶持自是神明力
正直元因造化功大厦如傾要梁棟萬牛廻首邱山重
不露文章世已驚未辭摧伐誰能送苦心豈免容螻蟻
香葉曾經宿鸞鳳志士幽人莫怨嗟古來才大難爲用

右庚辰歲九月三日書杜老詩龍巖

古幽開碑南圭立石漆水碑房

南口

右刻無紀號末題龍巖二字吳荷屋云任詢自號

龍巖庚辰爲正隆五年

壽禪師造象記

高四寸五分廣一尺九寸十九行
行四字字徑六分正書在河內

維大金正隆三年歲次戊寅九月二十九日游山至此
修庵三間至大定二年歲在壬午三月初七興功鑄佛
至是歲五月十一日功畢石匠董辛助緣人衆徒弟等
化緣僧明月山清風庵壽禪師記

龍泉院額牒

高二尺廣二尺一寸十三行行字大小正行
均不一篆額題勅賜龍泉院額六字在汝州

尙書禮部牒

據汝州郟城縣申□僧智隆狀告

缺約三字

州梁縣弟

二都龍泉□□脩建到院壹所舍屋

缺約八字

名額

今

缺約五字

勅

缺約五字

施行者

牒奉

勅賜龍泉院名額牒至准

勅故牒

大定叁年正月

日令史向昇

押

主事安

押

朝請大夫行太常丞權貢外郎劉

押

中憲大夫行貢外郎李

郎

中

侍

郎

正奉大夫禮部尙書兼翰林學士承旨知制誥修國

史王

龍泉院使帖

高一尺六寸廣二尺一寸共廿
行行字大小不一正書在汝州

使州

據都綱司狀申據梁縣第二都龍泉院主僧智
隆狀告爲本院係安下往來十方僧衆本院居
於村外有老弱殘疾僧人不測病患故疾雖請
醫人看治緣本院離州三十餘里申覆艱難請

寶豐縣香山院離縣三十餘里亦係十方禪院
遇有僧人病患亦係本院請醫人看治如或死
亡一面對衆看驗殯埋將度牒繳申乞依香山
例申乞指揮湏至行下

右帖都綱司仰照驗更切契勘所申委是詣實別無違
礙今後遇有病患僧人差人請醫取責口詞在意醫治
湏管痊可設或死亡卽仰對衆子細看驗如委是因疾
身死別無他故取責鄰伴及同行并主僧執結保明文
狀一面如法殯埋訖仍將死僧拋下衣鉢斟酌量分數唱
喝追薦外將餘上衣物金銀等開具名件委無隱漏同

度牒從本司依例批鑒准上執結保明羌信實相當僧
申解前來赴本州以憑照□繳□施行不得違錯大定
三年六月初八日帖

使

押

都綱司

准使帖在前者

右具如前今□帖連付龍泉院主僧智隆收執永遠照
使施行

大定三年六月 日給付

管內都綱

押

廣濟寺額牒

前佚高一尺五寸五分廣存二尺
十一行字體大小多寡均不一

缺
□□來 缺

缺
□□□□廣濟寺名額勘會□ 缺

奉

勅可特賜廣濟寺牒至准

勅故牒

大定三年十二月 日令史□員外□主事安

押

奉議大夫行太常博士權員外郎劉 押

中散大夫行貲外郎李

宣威將軍郎中耶律

侍

郎

中奉大夫禮部尙書兼翰林學士承旨知制誥修國
史王

補訪碑錄載此云吳江王氏拓本按陝西通志醴
泉有廣濟寺在縣東北廿里金大定三年重修有
唐刻石鼓經咒此牒疑在其寺十二月補訪碑錄
作十一月

聖教序碑陰金刻二段

鄭彥文等題名

四行行十二字字徑八分正書左行在張景脩題名之左

河朔鄭彥文貳左馮翊河南喬逢辰被檄而來暇日邀

陝右徐孝惠同觀褚河南所書聖教序大定甲申夏六

月既望題

權綱題名

五行行九字字徑一寸餘正書在游師雄題名之左

閭山權綱并弟維繹隨父奉直貳政于此有褚公所書之碑朝夕得以觀焉皆泰和丁卯重九日

萃編載宋人題記而遺此金刻何也碑上方又有明刻一段云宋政和中口觀國任通判日惜其寺僧荒涼慮久堙廢乃移置之公署絳人孫鑄作倅

而來日得觀覽焉泰和四禩冬十月上休日題僧
正善喜見字損壞移來金塔寺大明正統五年上
元日謹記孫錡所題今不復存殆爲善喜磨去矣
潛研目錄關中金石記訪碑錄俱載此條所不解
也訪碑錄又有龍興寺孫錡題名碑陰一條亦卽
此耳聖教序碑本在龍興寺也

蓮峰眞逸題名

高四尺一寸廣八寸四分二行行十二字
字徑三寸許正書在西安多寶塔碑側

蓮峰眞逸甲申五月十九日來長安七月二十三日東

歸平陽

蓮峰眞逸喬辰自號薊州有其詩刻正隆間丞於
蒲是甲申爲大定四年也中州集稱其詩樂府俱
有名觀此刻書亦瘦勁有法

吉祥院額牒

高三尺六寸廣二尺兩截上截十三行行數大小均
不一下截勅額二行題勅賜吉祥之院六字正書
在武

尙書禮部牒

乾州武功縣住□社佛院僧子昌狀□本院自□□
無名額已納訖合□錢壹伯貫文省乞立□額勘會

□□湏□給賜者

三行字
徑四分

膝奉

勅可特賜吉祥院膝至准

勅故牒

大定四年 月 日 □ 史向 □ □ 主 □ □

□ □ □

奉直大夫行大常博士權貢外郎劉

中憲大夫行貢外郎李

宣威將軍郎中耶律

侍 郎

中奉大夫禮部尚書兼翰林院學士承旨知制誥修國

史王 押

右上海

尙書禮部

牒

後全

華藏世界海圖碑

高六尺二寸廣二尺四寸三截上截佛象廿層凡二百十區左右各有題字又各一方方七行行廿四字次海波蓮座次風輪六道亦各題字中截序共三十八行行廿一至廿五字下載姓氏三十四行行字不一字徑三分正書橫額題依大華嚴經錄華藏世介海圖十二字篆書在泰安縣大雲寺

妙□□世界狀如寶莊嚴具二十佛刹

行一

佛号

光

□如來

清淨光普照世界狀如寶花旋布十九佛刹

塵世界圍繞佛号普□□□虛□□如來

離塵世界

狀如珠瓔十八佛刹塵世界圍繞佛号無量方便最勝

幢如來

寶莊嚴藏世界其形八隅十七佛刹塵世界

圍繞佛号無礙智光明遍照十方如來

清淨光遍照

世界狀如龜甲十六佛刹塵世界圍繞佛号清淨功德

眼如來

衆妙光明燈世界狀如卍字十五佛刹塵世

界圍繞佛号不可摧伏力普照幢如來

寂靜離塵光

世界狀如執金剛十四佛刹塵世界圍繞佛号遍法界

勝音如來

娑婆世界

四字橫列在佛像中間

形如虛空以圓

滿天宮殿莊嚴虚空而覆其上十三佛刹塵世界圍繞

佛号毗盧遮那如來

光明照曜世界狀如華旋十二

佛刹塵世界圍繞佛号起釋梵如來

常出現帝青寶

光明世界狀如半月十一佛刹塵世界圍繞佛号無量

功德法如來 金剛幢世界其狀周圍十佛刹塵世界

圍繞佛号一切法海最勝王如來 出妙音聲世界狀

如梵天身九佛刹塵世界圍繞佛号清淨月光明相無

能摧伏如來 出生威力地世界狀如因陀羅網八佛

刹塵世界圍繞佛号廣大名稱智海幢如來 眾華焰

莊嚴世界狀如樓閣七佛刹塵世界圍繞佛号歡喜海

功德名稱自在光如來 淨妙光明世界其形四方六

佛刹塵世界圍繞佛号普光自在幢如來 普放妙華

光世界其形普方多有隅角五佛刹塵世界圍繞佛号

香光喜力海如來

種種光明華莊嚴世界狀如摩尼

蓮華四佛刹塵世界圍繞佛号金剛光明無量精進力

善出現如來

寶莊嚴普照光世界其形八隅三佛刹

塵世界圍繞佛号淨光智勝幢如來

種種妙莊嚴世

果狀如師子之座二佛刹塵世界圍繞佛号師子光勝

照如來

最勝光遍照世界狀如摩尼寶形一佛刹塵

世界圍繞佛号淨眼離垢燈如來

此遍照十方熾然

寶光明世界有如是等不可說佛刹微塵數廣大世界

謂十不可說佛刹微塵數迴轉形世界江河形世界等

此一一世界各有十佛刹微塵數廣大世界周匝圍繞

一一復有十佛刹微塵數廣大世界而爲眷屬如上所
說一切世界皆在此無邊妙華光香水海及圍繞此海
香水河中此之世界得成就者略有十緣謂如來神力
故法應如是故一切衆生行業故乃至普賢菩薩自在
力故若廣說者有世界海微塵數等

以上
右方

然世界海略

有十事所謂世界海起具因緣所依住形狀躰性莊嚴
清淨佛出興劫住劫轉變差別無差別門若廣說者與
世界微塵數等下所列海者但由世界豎深橫廣故也
經中列不可說佛刹微塵數香水海今取十者十十以
表無盡上書佛像者是一佛刹卽三千大千世界也俱

舍頌云四大洲日月蘇迷盧欲天梵世各一千名一小

千界此小千千倍得名一中千此千箇中十名爲一大

千碑此世界爲微塵一塵爲一佛世界也

此在左方

皇帝萬歲

重臣千秋

二行分列左右方題字之上字徑七分

層上一佛像是一佛剎勸禮一拜願諸有情若見若

聞同入華藏界

二行分列左右方題字之下字徑四分

出大蓮華名一切香摩尼王莊嚴有世界種名普照十

方熾然寶光明

在海波中第一層

此中央香水海名無邊妙華光

四行分列左右中間有一海字較大周圍有十

海字圓外又有百海字分列左右在海波中第二層

普光摩尼莊嚴香水海

三行在海波中弟三層

有大蓮華名種種光明藥香幢

三行在蓮座中間

風輪最在上者名殊勝威光藏能持普光摩尼香水海

在風輪第一道中間自右而左

弟九次上風輪名速疾普持能持

其上一切香摩尼須弥雲弟十次上風輪名種種宮

殿遊行能持其上一切寶色香臺雲

二行在第二道奇者自右而左偶者

自左而右

弟七次上風輪名聲遍十方能持其上

一切珠玉幢弟八次上風輪名一切寶光明能持

其上一切摩尼玉樹華

在弟三道

弟五次上風輪名種

種普莊嚴能持其上光明輪華弟六次上風輪名

普清淨能持其上一切華焰師子座

在弟四道

第三次

上風輪名寶威德能持其上一切寶鈴

第四次上

風輪名平等焰能持其上日光明相摩摩尼幢王

在弟五道

第一 最下風輪名平等住能持其上一切寶焰熾

然藏 第二 次上風輪名出生種種寶莊嚴能持其

上淨光照耀摩尼王幢

在弟六道

華藏世界海圖

姑蘇賜紫沙門 法圓 序

詳夫如來果德雖多統雄依正正報則十身圓融依報
乃衆刹相在今此華藏世界者乃遮那如來往昔多劫

修行大願之所嚴淨如來初成正覺普觀一切眾生雖具斯依正妙用迷而不證久蒙輪迴由是首唱華嚴談斯果德意令衆生起圓信行成圓德用諒不虛哉其刹最下有須弥山微塵數風輪其最下風輪名平等住最在上者名殊勝威光藏持普光摩尼香水海此香水海有大蓮華名種種光明藥香幢華藏莊嚴世界海住在其中四方均平清淨堅固金剛輪山周匝圍繞地海衆樹各有區別衆妙莊嚴不可思議於此藥香幢蓮華上有不可說佛刹微塵數香水海如天帝網分布而住此最中央香水海名無邊妙華光以現一切菩薩形摩尼

王幢爲底出大蓮華名一切香摩尼王莊嚴有世界種
而住其上名普照十方熾然寶光明以一切莊嚴具爲
體有不可說佛刹於中布列最下一刹一佛刹微塵數
世界周匝圍繞此上過一佛刹微塵數世界至第二層
二佛刹微塵數世界圍繞乃至第二十層二十佛刹微
塵數世界圍繞如倒豎浮圖其第十三層乃此娑婆世
界以金剛莊嚴爲際依種種色風輪所持蓮華網住狀
如虚空以普圓滿天宮殿莊嚴虚空而覆其上十三佛
刹微塵數世界周匝圍繞其佛卽是教主毗盧遮那如
來世尊此華藏世界有十佛刹微塵數迴轉形世界等

一一各有刹塵世界圍繞一一各有刹塵世界眷屬皆
在此無邊妙華光香水海及圍繞此海香水河中如是
世界通相連接成世界網周遍建立然此世界先風輪
次香海等者有二因一由衆生所具如來藏識卽是香
海依無住本是謂風輪於此海中有因果相常住性德
卽是正因之華世出世間未來果法皆悉含攝故名爲
藏一切衆生法如是故行業引故二由諸佛以大願風
輪持大悲海生無邊行華令藏自他二利染淨果法重
疊無礙所感世界相狀如此今依大華嚴經世界成就
華藏世界二品刊石普願見聞心住愛樂發大行願莊

嚴世界該攝一切念念常緣如是境界當應成就時元
祐八年元正一日東京覺嚴禪院華嚴堂記平海軍節
度使檢校太師駙馬都尉上柱國李瑋篆額并立石
書字僧普完 篆額僧師廣 化緣僧淨遍
大定五年九月 日當寺住持僧慧宗摸上石
修武校尉靜封鎮商酒都監趙子都施俸資伍阡同
立石

石匠邢立 賈誠

首行失拓僅露
半字不可辨識
商平各人錢一貫 東胡村 姚弁
姚汶 姚宣 姚友 姚林 李□ 趙及 王□李

政 吳秀 孫炎 王氏各人錢一貫 南石汶村

劉方 趙明衡 李成 口順 陳立 夏全 曹弼

張靖 王友 扈宝 李氏 王淨思 彭淨心

李存趙宅李氏下關 石碑村 張宅龔氏 羅鑠 張

贊 李慶 李贊 許祐 呂眞 孟秀 童下關 劉

進 梅成 陳琮 常遇 彭鎬 王父 喬清 薛

清 黃宅張氏 各人錢一貫 靜封鎮 武榮 張

芥 朱革 孟通 陰宅劉氏 任宅周氏 各人一

貫 留宋村 王德 張友 楊則 各一貫 墟村

武安 劉立 丁安 王進 樂氏 杜政 各一

貫 □東村 董旦 董肅 許德 許槃 崔香

陳在 賈清 楊宅郭氏 張德 尙德 時忠 王

成 劉宅任氏 各一貫 鹿家莊 李友一貫 西蘇

村 趙大哥 劉懷 郭通 各一貫 北善村 樂

真 侯溫 谷寬 姜順 孟通 各一貫 南高白

村 呂淵 趙平 郭成 王存 葛立 史仝 各

一貫 北高白村 郭道奇 貳貫 李元信 一貫

興德村 尹定 張宅逮氏 李復 李宅張氏

汶里 薛瑾 薛惠常 各一貫 祝陽 張七官人

一貫 李三郎 山口村 宋理 宋珍 李氏 衛

氏 宋氏 各一貫 許宅朱氏一貫五百 周宅晏

氏 王氏 董宅王氏 傅時 禹俊 國閏 劉氏

徐璟 李正 韓全 董安 何坦 王助教 各

一貫 西屈溝村 孫友二貫 李璋 王澤 丁立

盧全 牛元照 徐淨道 冷氏 南石汶村 李

宅高氏 宋宅王氏 李宅王氏 邢立 各一貫

司淨意 興德村劉宅房氏一貫 山口村 陳德

石堅 孫宅韓氏張通李宅曹氏董宅劉氏各一貫

劉笋 祝陽 李琮 朱進 表方 張成 朱彥

呂徑 劉冲各一貫 呂云 張留村 孫宅劉氏

徐法思 吳友 程法全 劉宅彭氏法新法号 王

宅孫氏 吳小姑 司祐 各一貫文 西屈溝村

張陽成氏 蔣其 郝直 賈宅張氏 成霖 各一

貫 北石汶村 李全 王誠 李元 荆秀 孫宅

童氏各一貫 東故縣 孫宅田氏 趙安 靜封鎮

朱宅薛氏 南高白趙俊 墟村 王宅崔氏 朱

宅邊氏 留宋楊宅法曾 孫宅劉氏各一貫 當寺

僧名 法浩 拾貫 普滿 淨照 各貳貫 法師

福凝 淨遍 各十貫 淨豁 師廣 智念 各五

貫 普演 淨眞 各三貫 淨極 仲政 法善

普完 普泰 淨惠 淨海 各二貫 宗常 惠聰

祖燈 淨修 淨貴 淨智 淨果 普因 各一

貫 當寺童行名 張祖明 貳貫 龐雲寬 乙雲

溥 初淨懃 禹雲密 丁雲深 各一貫五百 吳

雲廣 解雲端 齊雲正 各一貫 福昌院主 法

瓊 法悟 共五貫 法光 惠圓 各一貫 善友

趙能證 二貫 鄭惠立 楊法秀 各一貫 尼法

廣 范小善友一貫 靜封鎮 段祐 北善 鮑冲

各一貫

右華藏世界海圖碑篆額書界作介古界字詩思

文無此疆爾界釋文作介是其左證據法圓序則
宋元祐年嘗以刻石金大定五年重刻之想舊碑
不存矣碑尙有陰額題大雲禪寺勅黃碑記首刻
大定四年閏十一月勅牒次公據次度僧名數見
山左金石志俟續得再補訪碑錄載此失注書僧
普完

幽棲寺廣初塔銘

高六尺五寸廣二尺七寸廿行行四十七字字徑六
分正書篆額題故律師初公山主塔銘九字在平陰
大金東平府平陰縣陶山幽棲寺故律師初公山主塔

銘

朝奉大夫騎都尉開國男食邑三百戶賜紫金魚袋
致仕郭好問撰并書丹篆額

昔東坡居士嘗謂爲佛者齋戒持律講誦其書崇飾塔
廟此佛之所以日夜教人者也而其徒或者以爲齋戒
持律不如無心講誦其書不如無言崇飾塔院不如無
爲此則禪律相攻如矛盾者曾不知竺乾古先生出法
法要有三曰戒定惠戒生定定生惠惠生八萬四千法
門故佛以一切種智攝三界必先用戒菩薩以六波羅
蜜化四生不能捨律如來弟子中稱優婆塞善持律律
之用大矣哉如來滅度後距今二千五十餘年其間自

漢明已來像教熾于天下大都小邑暨名山勝境鮮不
建梵刹而聚緇流有以見大法之光揚末俗所歸仰也
東平府平陰縣之東有山曰陶山陶朱公所隱之地有
寺曰幽棲唐懿宗重建之刹歷古迄今主持持律者世
不乏人大師諱廣初姓張氏濮州范縣人也體識深靜
風度端敏十三歲出家至寺遂依諒公宋政和中剃度
尋受具戒天資辯慧講誦上生經瑞應疏發揮幽顯使
疑者信慳者勤增上慢者退僧風驟變佛事勃興人皆
聞風而悅服前住持彥公付以山門事破屋壞垣無以
庇風雨師旣位處當仁傳授宗主依山大木大廈崇成

僧至如歸受學之衆恆不破百數皆大士也師之於律
義未嘗少懈後以年邁退□尙能遠念五臺崇敬文殊
謂不可不行觀道焉於是不遠千里飄然而往日讀華
嚴經累千餘部每遇檀越設供所獲襯施未嘗破用常
積於佛前偶值闕齋迺散于衆卓錫之餘囊無十金
正隆四年十月十日寢疾於牀有大弟子叩以留誠迺
舉首宣揚曰汝等應思世間萬物無常有存必亡慎護
佛戒進善爲良衆方讚歎奄然示滅莫不悲啼感念我
大師終始持戒以此律身以此告人孰敢忘其規範遂
具涅槃威儀歸全于寺之北崗報年八十僧臘四十三

弟子二十八人曰惠漸惠清惠能惠端惠演惠深惠寬
惠潤惠溫惠源惠洪惠浴惠霑惠海惠林惠滿惠潺惠
淵惠沂惠沐惠消惠連惠政惠淨惠澤惠濱惠潏惠泮
好問先塋實在山下嘗依寺眾薦拔幽冥忽有比丘惠
折剝啄衡門請至再三願勒貞珉好問遊山之多識師
之久不敢以辭迺爲銘曰

高山巍峩

深林蒼蔚

人天歸依

果異人

出

宣揚妙法

大明之律

烈焰破昏

齊澤潤物

法宇方開

魔軍皆屈

欬然示

滅

悲辛微骨

刻銘瑰琰

來者善述

大定六年歲次丙戌九月初六日本縣都管勾當寺住持小師沙門惠沂等立石

從仕郎東平府平陰縣主簿權縣事王端卿施石

本縣皆深并弟皆潤刊

駝山都總官題字

廣二尺廣一尺二寸四分大字一行一字
徑三寸許餘五行字徑寸餘行書在益都

大定七年三月二十二日緣

本府都總官

在緣字下方

倉官

楊口武

馬都監

此

行在都總官下方

差到面前人戴右衙

在緣字下方偏左

上方疑有失拓

新鄉修文宣王廟碑

連額高八尺五寸廣二尺二十行行三十二字字徑六分正書篆額題重修至聖文宣王廟記九字在新鄉

新鄉縣重修 至聖文宣王廟記

郡縣有學□□尚矣唐韓文公所謂通祀

孔子與社稷者也而祀典亦載釋奠以春秋學固守令之事而世之士大夫率以獄訟爲先簿書爲急或者治竿牘美郵傳以重往來之夸異葺衙署增什具以必交于之捷速至教化之官禮義之所則漫不加省反爲迂

聞不急之務間有儒家者流

粗

識道理則又多拘忌重

興作嗚呼欲望吾

夫子之庭宇不隨風

兩

以弊者其可得乎自非精于吏

治百事修舉以身任□責□浮議不能移者疇克以世

之所謂迂闊不急之務而爲其所甚急者哉新鄉

實

□

□之劇邑居大道之衝供需百出復師旅之後連歲蝗

旱繼之興滯補弊之事□□□暇故學之傾圯比它邑

爲最而縣令段君希顏主簿折君元老適丁其時□

公

爲□俱以健敏聞每過其門未嘗不咨嗟歛嘆若有所

歉然者居二歲屬歲有登遂首□是役議於縣尉次君

倫泊相承王君仲巽各能允從共相協力經營而人樂
爲用得施銀二十餘萬因以募善工購良材且取舊廢
剝出公潤一閔歲而戒成大物□□之數爲楹二十有
八殿邃而崇象嚴以尊樓觀屹如廊廡翼如重門洞其
前講肆□□右不朴不澀有倫有次實邑中之第一奇

勝也夫作事惟其難尤爲可□□廟□成而段君□憂
去議者惜之獨賴折君在而又迫於代者在路旦暮□
汲□救飢然乃能訖其事可不謂之始於難終於難乎
惟是邑人相與休之恨不見於文字而折君且有請詠
歷觀古之循吏惟蜀郡守文翁無它事業獨能立學校

以變風俗居□最豈非蒞民者以教化爲先而教化之
大者無過於學乎由是觀之則二公之舉此豈直爲崇
飾而已哉大定八年夏四月十九日承直郎行衛州獲
嘉縣主簿李詠記

洪福院牒并助緣題名

方二尺五寸七分上截牒十三行行字大小均不
一下截題名廿二行字徑三分餘正書在涇陽

尙書禮部 牒洪福院

尙書禮部 牒

尙書戶部差委京兆府發賣所據京兆府涇陽縣瑞
寧鄉鮑坊村院主僧洪白狀告本院自來別無名額

已納訖合著錢壹伯貫文乞立洪福院名額勘會是
實湏合給賜者

候奉

新可特賜洪福院候至准

勅故牒

大定四年六月初三日令史向昇 押 主

事安 假 權郭 押

中憲大夫行貲外郎李

宣威將軍郎中耶律 押

侍

郎

正奉大夫禮部尙書兼翰林學士承旨知制誥修國

史王

右
上
載

本村助緣善友等

蘭澤 蘭贍 蘭志 張濟 弟五德 程興 郭

直 南松 宋方 王□□ 宋均 宋亨 紀立

李圯 朱仲明 宋仙 馬進 馬永 盧興

魯再成 王廣 楊珍 蔣永 溫勝 小楊成

□辰 馬德 楊棟 馬堅 馬再興 程祐

郭武校尉任 琦 修武校尉張 再成

高牟村助緣善友等

孫彥 張皐 孟弁 張珪 孫勝 寶順 孫立

劉皐 孫榮 齊訓

白撲村 王昇 本村拾地基施主 楊成 西王馬

村 党密施石 楊劉村龍泉院助緣僧永口 福

超 道仙 洪白 講唯識論傳戒沙門雲光

大定十二年壬辰歲次九月庚戌十八日住持沙門洪

缺

牒下於大定四年六月至十二年九月乃勒諸石

因併助緣施石諸姓氏而記之訪碑錄列諸四年

非實也

八瓊室金石補正卷一百二十四終

金石補正卷一百二十四

天
吳興列氏
希古齋

八瓊室金石補正卷一百二十五

太倉陸增祥撰

男 繼輝校錄

吳興劉承幹覆校

金三

清涼院碑

高五尺廣二尺五寸兩截上截敕牒十五行下截公
據并記廿六行行字大小均不一正書篆額題勅賜
清涼之院六
字在平陰

尙書禮部牒 清涼院

尙書禮部牒

東平府平陰縣幽棲寺受業僧惠潤狀告伏爲見住

本縣第十都北郭下有草佛堂冬間未有名額今納錢壹伯貫文省承買作清涼院爲額今來若勘會得稍有不實情願甘罪及貼納余上錢數無詞今照得本僧納訖錢數乞立清涼院爲額住特湏合給賜者牒奉

勅可特賜清涼院爲額牒至准勅故牒

奉直大夫行太常博士權員外郎劉

中憲大夫行員外郎李

宣威將軍郎中耶律 押

侍

耶

中奉大夫禮部尚書兼翰林院承旨知制誥修國史王

空下
截右上

發賣所

東平府平陰縣幽棲寺受業僧惠潤狀告伏爲見
住本縣第十都北郭下有草佛堂叁間未有名額
今納錢壹佰貫文省承買作清涼院爲額如勘會
得稍有不實情願甘罪仍貼納余上錢數無詞今
照得本僧納訖錢數乞立清涼院爲額住特須至
給據者

右當所除已書填外今出給公據付僧惠潤收執照會

大定拾年拾壹月初陸日給

儒林郎泰州膠水縣主簿發賣塩引等呂

承議郎□州豐縣發賣塩引等吳

平陰縣城西清涼院記

大定歲次壬午天下治平四民安居平陰城西十數里
閒人各就已業爲□廬到處成聚落依山瀕河無慮數
百家而去寺院稍遠其中欲歸依三寶以植福田者雖
有精進之心不能無少憚也於是戒師和尚因衆心所
欲增修是院及遵依先降

聖旨指揮書填名額復承耆老王大進義等再三之請

遂住持焉由是開闢舊址別創新規具畚插而興土功
召良匠而慮材用填窪下爲爽塏之地恢狹陋爲壯麗
之居其所創屋宇講堂僧舍與夫廚庫等室甚衆兼所
成聖像除古佛堂鐵像釋迦羅漢二堂外又添塑聖僧
土地觀音共三十餘尊并鑄鍾磬等事費用不貲四時
起講席齋僧衆每日食口常不下數十人成就如是勝
緣雖戒師福慧所致亦諸善知識□助之力也戒師俗
姓宗氏法名惠潤世爲本縣鸞萬村人自十三歲出家
投陶山幽棲寺禮僧廣初爲師年二十祝髮爲僧徧歷
法會聽學旣成至二十五歲傳持大戒及講說經論啟

迪群迷刺度弟子六人曰定雲曰定寶曰定成曰定悟
曰定瓊曰定欽俱肯勤修梵行共扶教門悔塵勞於昔
時樂清淨於今日蓋欲拔有漏之身超無量之劫也彼
受檀越供養不脩福慧飽食而嬉晝夜以無爲者豈可
與此同年而語哉余嘉其師資相得協心戮力共成佛
事故樂爲之記云大定十四年五月十五日前進士王
去非撰

講經律論傳戒沙門僧 惠潤 立石

住持僧定悟 前往持僧定成 監寺僧定欽

助緣承奉郎前開州酒稅副使飛騎尉賜緋魚袋甲
崇之助緣宣威將軍前益都府益都令騎都尉河南
縣開國男食邑三百戶致仕甲申之

北子順馬家庄馬宅施石 里人張彥募刻并篆
額

右碑上層刻敕牒一道下層刻發賣所公據一道及
記文十九行前進士王去非撰里人張彥募刻并篆
額去非卽醇德先生党懷英撰墓表稱其試有司不
合卽屏去後又用年得官九品此碑署前進士蓋金
制凡試有司者皆得謂之進士積年亦可得九品官

也

山左金石志

大明禪院頌記

高五尺四寸廣二尺九寸八分上方牒十三行行字
大小均不一下方記三十三行行四十五六字字徑
六分正書額
失拓在河內

尙書禮部牒

大明禪院

尙書禮部牒

懷州河內縣北道宮村住庵僧廣壽狀告本庵自来
別無名額已納訖合着錢數乞立院名勘會是實須
合給賜者

牒奉

勅可特賜大明禪院牒至准

勅故牒

大定二年九月十四日令史向昇

押

主事安

押

中憲大夫行員外郎李

押

郎

中

鎮國上將軍行侍郎阿典

正奉大夫禮部尚書兼翰林學士承旨王

以上
上截

懷州明月山大明禪院

空相禪師自覺述

小師妙先書

二行在
標題下

靈山初始插草爲標植建梵宮久而爲矣我爲佛子依
先聖之跡也乃說行由

山僧自正隆三年九月十一日離南京東明縣報恩禪
院渡水穿雲到潭懷之郡海衆雲集禮請山僧住同義
之寺於彼脩方丈一座立碑一通後遊此山至此觀者
遂遠望之朗然無滯清淨明白号爲明月之山 四下
方景 前看銀江二道正對祖師名越之山少室嵩峯
青龍亦帶至西洛龍門又以名川地平如掌冬夏有長
青之竹花林似錦浩浩人煙藺內往來便是神仙之隊
仗又有羅紋之水遍地交流響響潺潺似歌音之樂要

知明月在沁南軍內兩鎮其間後靠太行碧水青蓮東
有靈巖古寺西有丹水喧喧中有明月一座龍盤鳳繞
虎勢巍峩峻嶺前橫青松後顯峯巒秀異東嶺猿啼西
溪洞府向當陽峯下翠雲峯前逍遙林內湧出甘露之
泉徹骨清涼又顯觀音聖水奇異奇希白玉崑中天然
丈室紅輪正曜不落於二邊心懷喜悅此乃歎言堪爲
聖地 大定二年幸遇 皇王賜額始乃畱心開山
勸業方能建立種栢千株遶在碧溪崑畔於清風谷內
脩一所精藍大小屋舍一百餘間一十四年功將了畢
永爲聖跡將作選佛之場 前文之景乃是眼前之浮

□別有宗乘願悟無生法忍從上諸佛惟傳頓教直指
人心了然見性離相超凡同悟涅槃成無上道證等菩
提釋迦廣宣留布令人見性悟心成佛歸於不二法門
我聞燃燈授記實無一法與人各有明珠本來具足靈
山親付迦葉方聞始悟一乘到波羅之岸維摩無語深
至涅槃文殊讚歎各悟心珠曹溪菓子特賜呈人自從
六代傳衣至今花生滿地紅炉片雪無相明珠悟取這
般消息若是識得金燈步步登長安之道見不生不滅
之真若不錯用身心隨處證解脫三昧處處達菩提道
場向無相光中不妨輕快幾人會意好淪雲門餠餅渴

飲趙州之茶解悶消愁向無憂國裏明月輝輝掃蕩煙
塵到於淨土無根樹子永劫長存瑞草花開長年不謝
騎着陝府鐵牛架著新羅鷄子向孤峯頂上橫管鐵笛
一任歌謠道泰所言得靈山僧續嗣少林和公禪師印
證頓契一乘了悟真空實無有法師乃知之以手摩挲
撫拍分付信衣師又付言汝名空相授得空王寶印今
於此處却舉光場向明月峯前分花布彩鐵笛橫吹虎
笑龍吟謠唱無爲妙曲說清淨解脫之門一顆明珠不
落偏圓之鏡紅爐瑞雪鎮海明珠不謝的蓮華拈出誰
人趣向山童擲筭和者全稀願聽雷音光揚四海一片

瑞光与虚空不二阿僧祇外劫壞非災達磨单傳憑君
看取金光晃耀瑞氣輝輝滿目光生如似清霄之月這
片光明是誰人之境界風光瑞彩幾箇知音轉大法輪
超於聖位人人有分悟取菩提性等虚空明彰大事月
印寒潭波光自現如大日輪無一點相貌耀古通今普
明法界人之不識可惜一片金光翠耀底紅輪便是長
生之月願都會意識取金剛寶山片玉無瑕深悟菩提
之性明顯此理達本還源清淨法身不拘文字人能若
識見性成佛是最上一乘稀有之法不拘内外亦非中
間朗耀光輝如似圓圓之月逍遙自在獨處無爲體若

靈空一輪孤照參羅萬像悉現其中如似太虛不霑煙
色真空佛性蕩蕩然實普越超登願一切解悟神通妙
用顯出無相真如清淨明珠在千輪之外凡聖之餘朗
耀輝輝那尋蹤跡矜衒掛角氣息不聞無相無爲此是
毗耶妙理空王寶印深悟涅槃人海泥牛那留影相如
是悟者是名清淨靈光獨耀孤月輝輝悉得成佛名爲
得道十方海衆共唱太平之歌三世同宣從上諸佛西
天二十八祖六代普傳遍於天下人之不識今復重言
明顯此理令人悟入見性成佛悉願有情同登彼岸

後頌

朗耀輝輝不帶塵 一輪孤照太虛真 紅輪翠耀金
光現 月照長空霽霽明 這朵瑞蓮人不識 今將
玉瑞賜君呈 達磨來開花五葉 至今天下紫枝生
又一片閑雲露骨寒 或居天上應人間 從來不落
情塵位 獨顯明珠照大千 朗耀一輪清霄月 如
似虛空體一般 不拘內外憑君看 悉願人人伴月
蘭

大金

大定丙申歲九月 日

開山初葉

住持傳法沙門空相禪師

立石 記

本州栢山

村石匠馮立

懷州清化鎮刊石人張鏞

大智禪師碑陰題刻二段

京兆府錄事馬烜題名

四行行字不一字徑八分行書在崔承業題名之後

朝列大夫京兆府錄事馬烜於大定丁酉季八月十一日奉都督劄付委差監看膳錄舉人文卷同運幕隴西崑起勾當自十二日入院至九月八日結局馬烜書丹

府判刁璧等題名

十三行行六字七字字徑八分行書在前刻之左

府判益都刁璧錄事燕山石松錄判益津張天綱長安令京兆□公二以貞祐五年春上丁日

釋奠到此公二承乏教職率學正安濟而下成禮之後飲福於賓及其醉也如在舞雩之下皆詠而歸

此二刻之下史惟則題記之上有竹菊畫幅橫亘於中其右卽崔承業題名之下截疑亦金人所刻當在大定之前畫有題詩一首云嗟爾精神不異常敢於霜圃鬪寒芳叢拔未許十分色葉摘也沾一種香後云古幽張太和刻石於固原均分書此二刻之上又有篆書一鳳字其左又有正書呂忠二字王雲題名之後又有明人題記一段并附識之

華岳廟題刻二段

李成說和余題記

高存六寸五分廣一尺六行行存四五字不等字徑一寸正書

李成 說崑起訟

□□本路和衆事

□□□邑令李津

□□黃子雄景揚

□□伯通恭調

大定 十九季巳亥

每行失拓二字据關中金石記補李成二字說畢

氏誤作詵

左□題名 高四寸廣一尺二寸三分七行行四字字徑一寸二分正書左行

麟野左□還自西秦敬調

祠下承安庚申秋三日

男倪侍行

慈恩塔題刻二段在咸甯

許洛題名

二行行三字四字
字徑五分正書

許洛登大定庚子

右刻在趙抃題名之左庚子爲大定廿年當宋淳

熙七年

虞用康等題名

七行行二字年月一行
八字字徑一寸餘正書

虞用康史公奕張好禮李□亨同登

泰和五年春四十日

右刻在趙抃題名之上年月則在其左泰和五年

爲宋開禧元年

慈恩塔金人題名萃編失載許洛題名之下有元
大德九年一刻又王評題名之右有元至正十七
年何太古一刻孫永題名之右有靖海侯吳忠子
厚申國公鄧鎮子山兩行其下則明正德隆慶間
三題也又吳中復題名之左有明嘉靖年曹懷等
一刻趙耘老題名之下有嘉靖年李河等一刻盧
盛題名年月之下有正德年都穆等一刻並附識
之

幽棲寺重修大殿記并陰

高六尺四寸廣三尺一寸廿六行行四十七字字徑六分許正書篆額題幽棲寺重修大殿之記九字在陰平

陶山幽棲寺重修大殿記

將仕郎新授涿州軍事判官趙泐譔

保義校尉前守徐州醋務同監郭大與書并篆額

自佛法入中國天下名山大川梵刹所居者十八九至於千百載相傳不絕嘗觀自古貴爲王侯富可埒國第宅過制者往往氣燄自取顛仆或一傳或再傳蕩析無餘其理安在蓋因爲梵宇者以道得之富貴者以力取之固不可同日語也昔世尊捨淨飯國王之貴逃於空

山無人之境備諸苦行累年而後道成唯以慈悲爲本
於衆生若有益雖頭目髓腦亦皆捨棄視其身爲何
物安肯自奉耶及其道著故天下之人惟恐奉之不至
此乃心悅誠服匪由力取非以其道得之者安能如是
哉吾鄉陶山幽棲寺其來遠矣因陶朱公昔嘗隱其中
由是得名其寺廢興載於前記其山号爲洞天一福地
奇蹤異跡徧滿巖谷是宜靈仙神龍之所居故臺洞池
泉皆有仙聖之號歲時水旱鄉人所禱輒應而文殊大
士似經過去劫於此山有大因緣時現種種光相驚人
耳目由是人益信向奔走靈承之不暇而寺宇制度甚

古往往土木朽腐前人久欲更新而未果也大定四年
惠沂上人嗣住持事觀其室宇卑陋輒欲更剏而復念
工費浩博未易輕議姑累小成大補弊增新爰自三門
廊廡夾室講位祖師真堂泊大法厦積歲累月無不完
緝唯大殿尙仍舊貫迺集其侶別議更始上下聞之翕
然樂從四方檀越亦皆願施方議擇木於原隰采石於
澗壑涓剛辰庀工徒斤築雷動響振崖谷不日告成舊
基才三尺今則增而培之向來卑陋今則崇大矣向來
黝暗今則顯敞矣向來鄙樸今則無遺巧矣迴視舊製
如椎輪之於五輅也於是中設聖像金碧煥耀恍若天

成所費無慮巨萬人皆樂施自非沂上人行業信於鄉
閭智略妙於經畫未易辦此寺之始終泊更剏之故雖
已敘述復有一轉語敢告清衆如來遠離世間一切諸
有而於無所住生心豈以一室美惡易其道哉雖然弗
藉於此無以開一切信向之門爲其徒者宜觀田夫田
婦攻苦食堅茅屋不庇風雨而我以佛力故居則崇基
峻宇食則香積妙饌夏處清涼冬居溫密受人天妙供
何以報佛恩德蒼檀越信施哉然彼以財施而我以法
施財施者既盡心則法施者若非戒律堅持通悟法眼
未易副彼所希利益之口耳敢以此告仍繫以銘辭曰

空煒煒煌煌 法中之王 興慈運悲 廕覆

十方 深愍有情 苦海茫茫 誰爲拯濟

賴我法航 炎炎□宅 群子癡狂 方便

誘掖 俾就清涼 三車取喻 牛鹿泊羊

爲其徒者 心宜自量 蒙被慈廕 得大

吉祥 願報佛恩 烏可□望 戒律精持

勇猛堅剛 因戒生定 發智慧光 財施

法施 利益交相 刻辭貞石 千載流芳

大定二十二年歲次壬寅十月戊戌朔十五日壬子

東平府管內僧錄判官知教門事崇業大德 定德

立石

勸緣住持沙門 惠沂 請律沙門 祖嚴 同

修殿權寺 定道 定先 監寺 定賢 法慶

定太 知庫 道悟 典座 定鑒 知莊

定存 法顯 尊宿 惠清 惠洪 宣秘大德

惠潤 刊字張彥

碑陰

高廣不計十七行行四十
五字字徑八分許正書

重修大□并聖像碑陰記

藍□聚沙爲塔童之戲也猶作入聖之因捧沙奉佛物之微也尙感輪王之報況乎興建大殿崇飾

聖容廣起勝心大興檀施其□□果未易數究茲者本寺釋迦佛殿年深積弊僅至驟壞惠沂遂與法眷等議重爲建新各先以衣盂之資爲施外化到本縣坊自但獻□到州鸞寧鄉安寧等鎮永寧安樂翔鸞肥河居賢榆城等鄉及長清齊河等縣遠近檀那或有施大樑重標扎樑棧棒枋榑椽柱料拱飛木牌額堦砌□獸磚瓦等又於殿內剏改粧塑佛菩薩等像共四十余尊其於工費金箔彩色等物盡係檀那所施本寺欲畫一開具

姓名勒石以紀然恐中間或有脫漏以此遂已而況吾
門無相布施最爲第一今但標記某剎及所化某物以
紀碑陰總此功德伏冀結緣檀信身嚴福惠業散冰霜
長幼存亡俱霑勝利未來揔遇

龍華人人俱蒙授記者大定二十四年歲次甲辰夏五
月二十有五日常記

陶山幽棲寺住持沙門 惠沂

法口僧

定愍 法浩 法善 法悅 法全 定

和 定悟 定欽 定安 定興 定喜

惠津

尊宿僧 惠源 惠端

故臨壇崇業大德 惠務

故臨壇演秘大德 惠能

萃縣中議宅八官人

重修中岳廟碑

大定廿二年 革

禁林

禁誤

退而書之

脫

立聖

未注

廟碑

戶口

刊誤和

會

知誤

主上崇敬之心出於至誠如口古不口乎禮罔

不若異時修貢効珍發祥隕祉復生賢人爲國藩翰輔

成萬世無疆之口俾

空下

吾君

吾君上一

群司

群作

碑中重文字俱作、頌詞句空三格萃編未如碑式併記之

石淙棲雲題名

高廣未計三行行四
字字徑九分分書

大定癸卯棲雲挈家再游

右棲雲題名在石淙詩沈佺期銜名之下溫泉有棲雲老人題名系大定廿二年所題蓋卽其人

檀特山善寂寺塑像記

高七尺六寸廣三尺四寸十八行行四十四
字字徑一寸六分正書篆額失拓當在莒州

檀特山善寂寺新塑三世化佛大像記

從仕郎□州軍事判官□復撰

題在標下

御前書寫牌額官內供奉班祇候敦武校尉柏文酒
政遼陽馬尙謙書丹并篆額

西方有大聖人是名如來於一切衆生矜憐拊愛爲大
□父開示教戒爲大導師調護拯救爲大醫王見其積
集罪垢備嬰劇報放入地獄代受衆苦見其貪著愛欲
□□死故卧鶴牀示般涅槃以至於蓮花藏土界海
無量刹中隨方示現攝受誘化與其覺悟空法成就善
緣□□趣受□妙□經歷千劫萬劫恒沙劫故誓願
□□無有退轉不以去來異□生差別想□悲念力不

可思議如□□□遺教□□然人值末法生不見佛以

不見故□□增慢愚者生疑無所依向業緣轉深云何

能使捨除慢心□□□如佛住世咸生敬信故金銅

珠玉無量寶□由是而興焉莒有名山曰檀特距州治

南凡六十里而□□道場□山之右脇□永熙中□□

刺史所建也□□之現興創之由詳載圖錄茫不復記

迄今凡幾百季□□□□□□□□□□□□□□□

□悉爲煨燼遺址□□悉成焦墟大定四年春沙門善

惠始來住持□□然有□□之志□□□□□□善知識便

種福因故富者輸財□□□□力破慳易情助作大緣

自堂殿廊廡齋廚庫廐各立區□□上□□□□一□
□□□□□□坊矣惟是□□尙闕如也旣而惠以
年老謝事付其嗣宗顯者使畢其志憔悴性□□心
□□□自□□□□無不通誦初□□業投試有司遂
中己亥秋選旣祝髮具戒受囑嗣事□□□願□走城
邑乃至衆□無空過者以所得信財□□良工創塑化
佛大像凡三龕法從儼侍天神翼衛金珠綵色備極莊
嚴閱四寒暑而功具眸容瑞相觀者胥動歡□踊躍作
禮圍繞如升兜率遊內官親奉慈顏瞻仰歸依不勝大
願恍疑其身之超出塵界也旣成迺以記文爲請□□

嘗怪在之學佛者往往假如來衣竊信施食至或法字
顏做風雨□剝如視逆旅不爲完葺像設隳庵塵坐□
□如忽土偶不爲嚴奉非特釋子然也聞惠顯之盛亦
庶幾少知媿色予旣深喜惠之知尊其教如是而顯又
能繼成其師之素志故樂爲之書而不敢讓大定乙巳
四月六日記 功德主住持僧宗顯 立石維首韓
□

檀特山建釋迦殿記

高七尺廣三尺一寸十八行行卅五字字徑一寸五
分正書篆額四行題檀特山建釋迦殿記八字當在
州

檀特山□寂寺建釋迦殿記

承事郎城陽軍軍事判官党懷英撰并篆額

在標題下

□前書寫牌額官內供奉班祇候敦武校尉栢文酒

政遼陽高尙謙書丹

先師有□□誠明謂之性自明誠謂之教誠則明矣明則誠矣從容中道自誠而明□□擇善固執□□而誠者也教而達乎性學而達乎聖一也譬諸水焉出於崑竇而放□□谷盈科而進□□晝夜及其通於海一也昔吾夫子天縱其聖性與天道自子貢之□□聞而子貢□□仲尼日月也又曰猶天之不可階而升也有

若亦云自生民以來□有聖於孔子則吾夫子可謂不
學而能矣然曰我學不厭而教不倦也又曰我非生而
知之好古敏以求之者也故嘗學樂於萇弘問禮於老
聃夫豈自居其聖哉凡所以示人以學故也嗚呼豈惟
夫子然哉而佛之立教也亦然佛之生於王宮至成等
正覺其功德性海未易名言而三昧四禪六度十方四
無量八解脫與夫十八不共法三十七道品是皆生而
知之然且逾王城入檀特見鬱頭藍則學不用處安於
阿藍伽則學非非想定然猶二年不去者亦所以示人
以□故也是故鹿□妙文首勤精進雙林遺教專示修

攝而昧□乃謂佛之爲佛可以頓悟而□可以漸□者

惑也夫圓覺頓教也而裴休序之亦嘗勉人以整心慮

趨菩提蓋契佛之遺意耳末學□塵所宜勉哉若夫渥

注之馬一出而絕塵丹山之鳳一舉而冲天則吾未可

量□或曰今之所□檀特者果昔之檀特歟曰不然佛

以千百億化身應物現前無有方所身□與土無有二

□如月在天而天下之水見之豈有兩月哉檀特之山

其孰曰非□殿之役經始於大定壬辰之夏落成於乙

未之秋云主緣者寺僧善惠作記者竹溪党懷英也大

定二十七年十二月望日僧善惠建維首馬泉唐榮

小師僧宗德宗顯立石匠人

党懷英金史有傳大定十年進士調莒州軍事判
官地理志莒州屬山東東路本城陽軍大定二十
二年升城陽州二十四年更名莒州是碑立於大
定二十七年改名莒州久矣而懷英撰記在大定
十五年其時城陽尙未升州故列銜書城陽軍軍
事判官也史稱莒州者書已改之名耳

龍門山楊言題名

大定楊言獨至

崇教禪院鍾款

明昌三年七月
編載卷一百五十七

勅可□賜□□□院牒 准缺賜院三字安□權郭郭誤郎

的首行之次下方有小字一行全泐以上一棧 祁忠男 祁再興 姪祁

憲 祁意 王福 党淑 周遮 南無僧伽吒沙門

破地獄真言以上五行未錄在鄭州一行之後經文二行不錄以上為一棧 泔□□

□ 獄真言 寶樓閣真言 大明六字神咒經文不錄

以上為一棧 此以下全未錄 自南無西方淨土極樂世界 □十八

萬億一十一萬九千五百□名□大□大悲阿弥陀佛

此三行字較小在前行下方 以上為一棧 本村施主 趙助教名真妻楊

氏男趙永安次男勝 男海 男惠選 陳順男陳辰

陳喜陳端孫陳先生羊任 趙義妻□氏男趙□趙吳

趙通趙先□ 糸示 糸珪 糸□ □□ 北□□

李安 高真母楊氏 高□_下 趙□母親□氏 弟

趙□ 趙延 刘世興□呂氏男刘忠_下 李保妻馬

氏男李成李忠□ 王玠妻張氏 仇作妻任氏男_仇

□□妻王氏_{以上爲} 本村 馬永年 李端

李立 □万 李儀 李顯 趙順 馬忠 任小一

郎 張珪 蕭威 胡平 王興 李帖兒 田成

李臻 馬端 趙昌 仇昌 趙吉 趙端 李宗

趙信 孫老宿 馬份男_{善住} 趙斌 張弁母親李

氏 王伴哥姪帖兒 李林 馬椿 趙德 化口食

人張顯 李小_{以上為一棧} 本村 李口亡父母 口氏

亡父母 顯口親呂氏 李五口 口 口豐 趙

仝 趙義 梁馬 任千 周全以上為一棧 五郎社

白彥璞男白義 閆老宿宅孫氏 白小一郎宅王氏

馬先生 口 口南 口二郎 閆大郎 房口

郎 鐵匠崔口女夫趙亨 白四郎 常五郎 閆法

華 李七 張珪男公口 中村口宅趙氏 陽化

口 口大成北口 口三郎 任田以上為一棧 仲且口

姚口 姚清 趙仝 口吳口 侯端 李仝田氏任

俊 田榮 口 口焦俊 李真 趙存 李平 任

延男老宿 王廣 張和男大郎 任松□全 田□

任平 李安 趙知明 □氏 趙堅 崔□主趙

進 □□ 馬社李二郎 陝西社馬臻趙氏楊氏男

馬□ 俱□顏氏 □□ 王氏 雲氏 田氏 俱

氏 馬氏 田氏 成□□張史 南柴村苻氏 □

董礼 董二郎 戚村 王五 李五郎 □氏 □

□□ □□村高□□亡父高到刺楊氏亡父忽□□

蔣氏□□哥以上爲一棧 延平縣□□ □□鎮高濤

長安閭三郎 陽鋪張玠 道□村刘三郎何氏 任

村趙三郎楊大郎 □村曹□工亡父 永豐社 趙

小大郎母親馬氏 趙勝 条德 趙汝 侯□ 趙

三郎 趙善友 叵宏 刘大郎 王大戶 趙四郎

北趙一郎 張詵 趙僧 条辛 長□□□男任

一郎 趙四郎 □□馬氏 王氏 渭□□□□

盛□男盛宗 東□豐□□大郎 □大伯 郭大伯

李三郎 王□父 八李村王□ 明条社 趙□

□ 楊老宿 閆助教 攢德社蕭氏 本縣 吳□

左氏 巨川母親李氏 馬□ 李□社 □善

王老京 □倉顏 □□男小二郎 周老□ 高村

刘助教 大□社 郭善友 □小善 趙□ 王

善友 李小□□ 李大郎 薛鎮 會同 李聰

張小一哥 王義社 張助教 趙廣 李氏 輔氏

李□ 李潤 李千 王住社張通 焦村寨□薩

賓 終南縣田保男田滋 以上爲一棧 □龍村 蘇老宿

宋老宿 蘇老宿 □村 王忠母親李氏 梁祐

趙清 南欽 吏勝 俱□ 俱弁 趙進 趙義

□□ 王□ 王十郎 王大郎母趙氏 □□

王二哥 佛土社 □□ □□ 伯 大成北村魏□

辛 □□ 趙□完 趙四郎 李□老宿 □□ 寨

張謀 王老宿 馮□ □□□□ 程□ □□

□□ 趙□ 刘專 荪欲村王專 □村 王□

史□□□四郎 □□村王三郎 王□王法師父王

賓^一上^上爲^上 缺^上牛宅魚氏 王小女 李氏 缺^上劉老

宿^上 缺^上□上簡 □□ 趙思正 王三郎 缺^上息□

□□氏 缺^上 此行 缺^上□□四郎 缺^上□□ 康珣

□□ 行 缺^上□□ 李□主^上 爲^上 大莊村

王□□陳氏 東村□賈□ 長□坊牛□□ 以上爲^上 一^上 樓

部院^上 外^上 直^上 徑^上 四^上 寸^上 五^上 分^上 兩^上

天下太平^上 錢^上 形^上 圓^上 徑^上 七^上 寸^上 四^上 方^上 各^上 列^上 一^上

庵折絲主絲准提莎訶^上 一^上 字^上 一^上 規^上 圓^上 徑^上 四^上 寸^上 許

右崇教禪院鍾款萃編題爲武亭鍾款者以金代縣名名之也茲從關中金石記題爲崇教禪院鍾款鍾本在武功陝西通志云寺鍾出自武功河畔砧婦作石擣衣忽聲自石出響聞數里土人發之乃巨鍾也遂移爲寺鍾鍾款凡十六棱王氏僅見其六所見者亦未全錄茲悉補之拓本分十六紙先後次第不能定焉鍾在咸寧薦福寺萃編以爲乾州据鍾款言之未得其實

樊倫龍山頌并陰

高六尺二寸廣二尺九寸篆額四行題縣宰昭勛南陽樊公題龍山頌十二字字長徑六寸頌四行行七

字字徑六七寸不等行書
在元氏開化寺羅漢殿

太山之陽龍山首疊、峯巒衝牛斗試劒巨石尙然存
霹靂神鋒出無有

碑陰

高廣同上三十行行六十五字字徑七分餘正書篆額橫列遊龍山記四字

遊封龍山記

金馬玉堂賢人君子得志者之所處也洞天福地列僊
高士得道者之所居也夫洞天之高者泰華嵩衡恒是
也自恒之口巋然崛起於太行之東者封龍之山也諒
彼恒亞回環望之四面如一迺曩時飛龍山也至唐明

皇天寶六載遂易爲今名背泮沱之巨窟石井陘之絕
峻實鎮陽之壯觀非若羣山之遙邇也能首興雲而致
雨獅子青毛而赤背白羊牧芳玉石亂華蓋擎芳青松
高鍾磬互鳴於梵宇金碧交□於琳宮醺石突兀吟臺
崢嶸蟠桃植芳卻老黃精產芳延齡至如奇峯怪石清
泉茂林可使盡者勞想游者忘歸青城雁蕩不獨美於
西方巫峽廬山莫專名於南土復□徐童僊觀郭元振
劍石徐童觀者觀在獅子峯下□谿之上中央平坦地
多桐木花其花清香襲人其子色碧可染衣作青碧色
若移植他處則不活也觀中有泉數本□宜栽柳種荷

曹仙姑恣云北嶽徐眞君登僊之山也又山記云駱元
素因入山遇一老人得藥十粒告元素曰服此則不飢
吾本姓徐字元英新受長乘君牒召爲北嶽口史言訖
化爲童子乘雲而去因得名焉郭元振者唐時魏人也
少游學於此山獅子峯前有石屹然高聳一日聞霹靂
聲其石中裂俄有五色雲氣自石中出元振觀之得寶
劍石罅中年十八舉進士仕唐睿宗朝出入將相又有
東西中三書院其遺址存焉當時皆名儒碩士專門傳
授聚集學徒恒幾百人置山長山錄以領之又多僊游
席跡琳宇連宮靡可縷述自漢唐而下棲眞之士輩出

其間神龍蟠池油雲鎖洞三晉之間不遠千里來請禱者莫不遂請以致農田鮮有旱乾之慮傳云山川出雲雨久久□前所謂洞天者信不誣矣今者縣宰昭勇公於皇統四年六月蒙下皇故兄左丞相鄭王判吏部尙書日特補充誥院令史貞元二季間職累經歷任至明昌元年十一月來臨是邦公諱倫字正大中山定武人也祖正以吏事策名

本朝撫定以來同列者六十餘家比比無後惟公家與故右丞相石特口嗣膺益彰所謂積善之家必有余慶也公之故父諱祈字可祥是時

國家方分置六部故右司郎中趙通奉故吏部侍郎田中奉首舉公父□□部令史尔後

朝廷設討論所公父檢討唐朝文籍故事撮其精要立其規式同列者□□公之父取則也未及出職忽得病病間言曰上真有旨尔當速來□竟而逝嗚呼

不幸早世今昭勇公卽其長子也公故父累贈武略故母盖氏追封南陽郡□君公自幼慕老子之道皇統間於上京會寧府遇一方外士授以虛寂立言

深得其趣逮明昌辛亥歲七月上旬日游封龍登獅子峯詣修真觀禮三□瞰龍潭遊禪堂遍覽山中

勝槩及前一遺跡徘徊久之復至觀前登一巨石名曰
霹靂石遂揮毫而作此頌夫公之慕道見於蚤歲其功
名得一素判於胷中矣肆情毫邁不以窮達爲累飄飄
然有方外之游時繼至者天長觀道士李公諱德清字
子澄道業清高符水有靈時輩許之有德之流也從行
者公之四裔德璋德暉德隣德暉□修真觀前監觀道
士殷公諱德真字元道試經中□明達高士也性慕玄
言清虛篤道不樂紛華聞昭勇公游封龍有所題之頌
殷公以其山中之觀與今邑中之觀迺□觀也由是召
匠選石以刻厥頌命僕志之僕本邑人也義不敢辭謹

錄其實而贊曰

龍山聳翠兮上插碧霄 峻極於天兮羣峯來朝 峭

拔干□兮亞恒之高 洞天僊府兮謝絕塵勞 秀氣

攸鍾兮多產時髦 徐僊琳宇兮構山之腰 高人逸

客兮於焉逍遙 吟臺書院兮遺址昭昭 名儒碩士

兮卜此來巢 將相時生兮德比夔臯 神僊輩出兮

地□北條 白雲洞隱兮張果丹燒 崔武遇神兮嘉

氣偏饒 金母池平兮不起波濤 性能延壽兮黃精

之膏 實能卻老兮曼倩之桃 靳翁採藥兮聞風怒

號 殺彼毒蛇兮清我西郊 清泉數本兮滌爾貪饕

靈潭興雨兮時濟嘉苗 溫潤其口兮有玉之韜

棟梁其材兮維松之喬 畫者勞想兮匪易揮毫 游

者忘歸兮俗冗可逃 我公來遊兮陟彼山茱 道襟

豁然兮志意飄飄 回頭俯口兮塵世煎遨 頓有所

悟兮咄尔萍漂 羽衣相陪兮人迓三茅 題詩於石

兮詞源滔滔 銀鈎麗句兮有古風騷 山神發靈兮

感公所褒 百里獲口兮疫癘潛消 年穀豐登兮風

雨和調 功成名遂兮下聖世忻遭 神清骨秀兮名

在僊曹 刻諸琬口兮姑志游遨 傳之於世兮永作

僊謠 但紀其實兮非譽是要

進士趙時中撰東垣進士魯秉禮

篆額里人王瓘書丹

維大金明昌三年歲次壬子十月辛亥十五日甲寅監觀道士董知善前監觀道士王知古本觀□□□前監觀講經道士殷德□立石

匠人胡昌弟胡□□

右記趙時中撰魯秉禮篆額王瓘書瓘秉禮無攷時中見縣志修真觀府志云在縣治北唐開元中建卽記所稱邑中之觀是也但此碑本立於修真觀內今在開化寺中不知何時所徙記謂封龍山曩時飛龍

山唐明皇天寶六載易今名案史記趙武靈王伐中山取封龍水經注洺水東經飛龍山北卽井陘口今又名土門元和郡縣圖志趙州元氏縣飛龍山縣西北三十里前趙錄曰河瑞元年王浚使將祈宏率鮮卑務塵部十餘萬東討石勒戰於飛龍山勒師大敗括地志云封龍山在鹿泉縣西南四十五里唐十道志封龍河北之名山也本名飛龍山山勢如伏龍欲舉狀新唐書地理志元氏有封龍山太平寰宇記云鎮州元氏縣飛龍山在縣西北五十里又獲鹿縣下亦云飛龍山在縣西南四十五里一名封龍山封與

飛一聲之轉故諸書或言封龍或言飛龍記謂天寶
六載改飛龍爲封龍其言不根殊甚龍首獅子白羊
玉石華蓋皆山峯名唐十道志云封龍山岩泉回環
錯列稱爲奇勝其最著者爲龍首熊耳華蓋諸峯元
氏縣志云龍首峯在封龍山絕頂玉石獅子
在封龍山上華蓋峯在封龍山上望之如傘故名又白羊山
在縣西北四十五里接連封龍記稱山有徐童僊觀
郭元振劍石徐童觀卽修真觀因徐真君元英得名
縣志云白雲洞在封龍山龍首熊耳兩峯閒相傳徐
真君修道於此又名仙人洞洞前有修真觀元安熙

默菴集封龍十詠有修真道館詩自注在獅峯下中
央平坦泉石甚盛宋政和中賜敕額迄今殿宇猶爲
山中之冠是也徐元英見明嘉靖真定府志謂北宋
時元氏人郭元振兩唐書有傳府縣志試劍石在元
氏封龍山唐郭元振得寶劍於石中元左丞史彬書
試劍石三字筆法極道勁又記稱山有東西中三書
院遺址當時皆名儒碩士專門傳授聚集學徒恆幾
百人置山長山錄以領之府縣志云封龍書院在縣
西北封龍山下相溥漢李躬授業之所唐郭震宋李
昉張皞叟元李治安熙皆講學於此又西谿書院在

龍首峯西唐隱士姚敬棲遁之所宋九經張著爲山
長復增葺之又中谿書院在龍首峯下宋昉張蟠叟
元李冶等相繼授徒學者甚衆亦見王圻續文獻通
攷攷山長之名起於宋初其見於史者則自真宗大
中祥符八年召見潭州嶽麓書院山長周式爲始又
記稱神龍蟠池油雲鎖洞三晉之間來禱者莫不遂
請油雲鎖洞當指白雲洞府縣志云龍泉在封龍山
陡澗中遇旱祈雨輒應又名老龍池又封龍山西谷
有泉名南北二天井俗呼龍池其水南出螺峯之下
記稱神龍蟠池當是陡澗中之老龍池今其旁有龍

王廟歲早常詣此祈禱記稱樊倫爲昭勇公又云於
皇統四年六月蒙皇故兄左丞相鄭王判吏部尙書
日特補充誥院令史貞元二年出職累經歷任明昌
元年十一月來臨是邦云云倫見府縣志名宦傳攷
金宗室封鄭王者有完顏幹魯皇統五年追封完顏幹賽太祖
弟完顏宗懿太宗子大定二年追封完顏充海陵兄皇統九年改封越忠
簡王完顏承功世宗子大定四年改封刺王完顏永蹈世宗子初
封衛王明昌二年改封凡六人曾拜丞相者止完顏充一人充
傳皇統閒封淄國公爲吏部尙書正與記合皇兄之
稱蓋指海陵之兄而言碑云故丞相石特口攷金史

章宗前定州人拜右丞相者有石琚相世宗特下當
是進字係琚所加之散官猶後稱右司郎中趙通奉
刑部侍郎田中奉之例金制文散官從一品中次曰
特進琚傳無加特進事當是史之漏略碑云母蓋氏
追封南陽郡□君君上一字渤當是太字金史百官
志郡侯母妻封郡君承安二年更爲郡侯夫人四品文散少中大
夫武散懷遠大將軍以上母妻封縣君承安二年改爲郡君五
品文散朝列大夫武散宣武將軍以上母妻封鄉君
承安二年爲縣君倫母蓋因其子官追封故稱太君然倫仕
明昌間官止正四品昭勇大將軍於例止封縣君此

云郡太君可見志載承安二年始改四品以上母妻
爲郡君之說不足爲據趙右司田侍郎皆不書名攷
金史皇統初任吏部侍郎姓田者有田穀附孟浩傳
當卽其人

常山貞石志

右碑以縣宰樊倫游封龍山作頌道士殷德眞爲
之刊石邑人趙時中因而作此記也常山貞石志
以記爲正碑頌爲陰以記所述證之宜以頌爲正
碑記爲陰也碑經中裂缺泐處据常山貞石志補
之鍾磬互鳴於梵宇互卽互之俗沈釋作元又山
記又作文性能延壽性作恒皆誤

八瓊室金石補正卷一百二十五終